

**წმინდა მთის მამების კრიტიკული შენიშვნა მსოფლიო პატრიარქისადმი**  
**ΚΡΙΣΙΜΟΙ ΕΠΙΣΗΜΑΝΣΕΙΣ ΥΠΟ ΑΓΙΟΡΕΙΤΩΝ**  
**ΠΑΤΕΡΩΝ ΕΙΣ ΤΟΝ ΟΙΚΟΥΜΕΝΙΚΟΝ ΠΑΤΡΙΑΡΧΗΝ**



**ათონის წმინდა მთის მამების კრიტიკული შენიშვნა მსოფლიო პატრიარქისადმი**  
ათონის მთაზე მისი ვიზიტისას 7-8 ოქტომბერს 2011წ.

თქვენო უწმინდესობავ, მსოფლიო პატრიარქო, პატივცემულო ბატონო პრემიერ-მინისტრო, ეს ორი, ეკლესიისა და ქვეყნის თავის ისტორიული ვიზიტია ათონის წმიდა მთაზე, რომელიც წარმოადგენს მართლმადიდებელი ეკლესიის გულს მთელს მსოფლიოში. ისტორიულია იმიტომ, რომ თავად ჩვენი ეპოქაა კრიტიკული, როდესაც ასე სწრაფად ვითარდება მოვლენები, და მათ მოსდევთ დიდი შედეგები.



ეკუმენიზმისა და გლობალიზაციის წიაღიდან გვევლინება ორი მტრული ძალა, ერთი მხრივ ეს თავად ეკუმენიზმია, მეორე მხრივ - ეს გლობალიზაციაა, რომლებიც წარმოადგენენ მტრულ ძალებს და რომლებიც ცდილობენ ხელში ჩაიგდონ მართლმადიდებელი ეკლესია და ჩვენი სამშობლო, საბერძნეთი. ჩვენ, ათონიტები, რომლებიც აქ დიდი ტკივილით ვლოცულობთ მთელი მსოფლიოსათვის და განსაკუთრებით ეკლესიისა და ჩვენი მამულისათვის, უმორჩილესად გთხოვთ, არ გაჰყვეთ ამ ორ ბნელ ძალას...

ეკლესიის მეთაურის მიერ უკვე დაშვებულია მრავალი შეცდომა, როგორცაა ღიაობა და კომპრომისი ერეტიკოსების მიმართ, ამპარტავანი და არაშემნანებელი პაპის მიმართ, პაპისა, რომელმაც გაანადგურა მთელი დასავლეთის ქრისტიანული ეკლესია და მიიყვანა დასავლეთი ათეიზმამდე, სიბნელემდე და ბოროტებამდე. ასევე, რაც შეეხება ჩვენი სამშობლოს მმართველებს, მათ ქვეყანა მიიყვანეს უცხო, ბნელი, ანტიქრისტესმიერი და დამანგრეველი ძალების დაქვემდებარებამდე, მიგვიყვანეს შეცდომებამდე, რომლებსაც ახლა იძულებით ვითმენთ, ითმენს შოკირებული ეკლესიის მრევლი, საბერძნეთის ყველა მოქალაქე, რომლებიც განიცდიან ხსენებული ძალების ზეწოლას. ჩვენ ასევე გთხოვთ თქვენ, ჩვენს პატივცემულ პატრიარქს, როდესაც თქვენ მობრძანდებით „ღმრთის დედის ბაღში“, რომელიც საყოველთაო აღიარებით მიჩნეულია „მართლმადიდებლობის დამცველად“, მაშინ თქვენ იმის მსგავსად უნდა მიაგოთ პატივი წმინდა მთას, როგორც ამას ყველა თქვენი წინამორბედი მიაგებდა. თქვენ მოხვედით წმინდა მთაზე იმისათვის, რათა „მიიღოთ, და არა - თავს მოახვიოთ“, რადგან, თქვენი სიტყვების თანახმად, რომლებიც წმ. კინოტის კრებაზე განაცხადეთ, „თქვენ არა გაქვთ ხმა, და, როგორც

ეპისკოპოსმა, მხოლოდ ჩვენთან კავშირი უნდა იქონიოთ“. მაგრამ თქვენი ქმედება ამ თქვენი სიტყვების საპირისპიროა, რადგან თქვენ: პირველ რიგში: აუქმებთ წმიდა მთის იმ თვითმმართველობას, რომელიც არის ღმრთივბოძებული ნიჭი, დამოწმებული საპატრიარქო და იმპერატორული ქრისოვულებით (საზეიმო სიგელი - მთარგ.), მოცემული, რათა წმინდა მთამ შეძლოს განამტკიცოს ეკლესიის წმიდა გადმოცემა და არ დაექვემდებაროს ეკლესიის თავებს, რომლებიც, როგორც დროდადრო ხდება, ეკლესიას განუდგებიან ხოლმე. მაგალითად, ასეთი იყო პატრიარქი იოანე ვეკა, რომელმაც ათონელი წმ. მოწამეებისა და წმ. აღმსარებლების სახელები შავი ასოებით ჩაწერა ისტორიის წიგნში. ამიტომ ჩვენ ვევედრებით ღმერთს, რომ მან განგანათლოთ თქვენ, რათა არც თქვენ, არც პრემიერ-მინისტრმა არ მიბადოთ იოანე ვეკას.



მეორე რიგში: წმინდა მთამ მოგვივლინა იმდენი წმინდანი, თვით თანამედროვე ბერები, რომლებიც იყვნენ ღმრთივგანბრძნობილი ადამიანები, ისინი სამაგალითონი არიან მთელი მართლმადიდებელი ეკლესიისთვის, და მთელი მსოფლიო კითხულობს: „რას ამბობს წმინდა მთა?“. გაუგონარია, გაანადგურო და გაასწორო წმინდა მთის მთელი მემკვიდრეობა და ფასეულობები.

თქვენო უწმინდესობავ, თქვენს სიტყვაში თქვენ ყურადღება გაამახვილეთ საკითხზე ესთიგმენის მონასტერთან დაკავშირებით, თქვით, რომ უნდა აღდგეს ახალი კანონიკური ძმობის უფლებები და განდევნილ იქნენ მონასტრიდან ანტიკანონიკური მიმტაცებლებიო. როგორ შეიძლება იყოს ახალი სამმო კანონიკური, მაშინ როდესაც წმინდა, მთის დამფუძნებლური სიგელის თანახმად, გერონდას ელისონიდან სამონაზვნო აღკვეცა წმინდა მთაზე უნდა მიეღო და მონასტრის სამმოს მიერ უნდა ყოფილიყო არჩეული. და რა მიზეზით არიან ესთიგმენის მამები ანტიკანონიკურები და საკუთარი მონასტრის მიმტაცებლები? ჩვენი კი ვფიქრობთ, რომ ეს არის ე.წ. „კანონიერი წესრიგის“ აღდგენა თავსმოხვეული უწესობისა და ომონის დახმარებით, მთელს მსოფლიოში საყვედურებისა და დამცირებების თანხლებით. და ჩვენ, წმინდამთელები, მეტად გაოგნებულები ვართ, იმიტომ რომ ჩვენი ესთიგმენელი ძმები მოწყვეტილები არიან წმინდა მთის ერთობას. მიუხედავად ამის, განა თქვენ არ გამოდიხართ მოწოდებებით თქვენს ეკუმენისტურ ქმედებებთან ერთად, რომ რატომ არა აქვთ ზილოტ მამებს ურთიერთობა თქვენთან და წმინდა მთის იმ ერთობასთან რომელიც თქვენ მოგდევს? შეჩერდით, შეაჩერეთ თქვენი ფილოპაპისტური ქმედებები, როდესაც უკვე ამდენი ღმრთისმეტყველი აცხადებს, რომ ამას მოაქვს მავნებლობა მართლმადიდებელი ეკლესიისათვის, იმისათვის, შეჩერდით, რათა მიღწეულ იქნას ერთობა იესო ქრისტეში. მისია დიდება და პატივი უკუნითი უკუნისამდე ამინ.

მსოფლიო პატრიარქის პატივისადმი სრული პატივისცემითა და ეკლესიისა და სამშობლოსთვის შეუჩერებელი ლოცვით  
წმინდა მთის მამები.

[http://thriskeftika.blogspot.com/2011/10/blog-post\\_28.html](http://thriskeftika.blogspot.com/2011/10/blog-post_28.html)